

ხელშეკრულება N 142
სახელმწიფო შესყიდვების შესახებ

ქ. თბილისი

20 ივლისი 2022 წელი

ერთი მხრივ, სსიპ „ნოდარ დუმბაძის სახელობის მოზარდ მაყურებელთა პროფესიული სახელმწიფო თეატრი“ (შემდგომში – “შემსყიდველი”), წარმოდგენილი მისი დირექტორის თამარ ლორთქიფანიძის სახით და მეორე მხრივ, ი/მ „კაა შველიძე“ საიდენტიფიკაციო კოდი 01030033102 (შემდგომში – “მიმწოდებელი”), ორივე ერთად წოდებული როგორც „მხარეები“ ვხელმძღვანელობთ რა საქართველოში მოქმედი კანონმდებლობით, “სახელმწიფო შესყიდვების შესახებ” საქართველოს კანონის 10¹ მუხლის მე-3 პუნქტის „დ“ ქვეპუნქტისა და საქართველოს მთავრობის N 99 2012 წლის 24 იანვრის განკარგულების შესაბამისად, ვდებთ წინამდებარე ხელშეკრულებას შემდეგზე:

1. ხელშეკრულების საგანი

წინამდებარე ხელშეკრულების საგანს წარმოადგენს ხელშეკრულებით გათვალისწინებული პირობების შესაბამისად, ქალაქ თბილისის მუნიციპალიტეტის მერიის კულტურის, განათლების, სპორტის და ახალგაზრდულ საქმეთა საქალაქოს სამსახურის მიერ კულტურის სფეროს განვითარების ხელშეწყობის ფარგლებში დაფინანსებული პროექტის (29.06.2022 წლის N 08.05/131 ხელშეკრულების) ფარგლებში, სპექტაკლის სახელწოდებით “ოტელო“-ს სპექტაკლის განხორციელების მიზნით სპექტაკლის დეკორაციისათვის საქონლის შესყიდვა კლ.კოდი CPV249000000; CPV 395000000; CPV44800000; შესყიდვის ზუსტი დასახელება, განზომილება, ერთეულის ფასი მოცემულია დანართი N1-ის შესაბამისად და წარმოადგენს ხელშეკრულების განუყოფელ ნაწილს.

2. ხელშეკრულების საერთო ღირებულება

- 2.1. საქონლის ფასი განისაზღვრება ეროვნულ ვალუტაში;
- 2.2. საქონლის ერთეულის ფასი მოცემულია დანართი N1-ის შესაბამისად
- 2.3. საქონლის საერთო ღირებულება შეადგენს: 1000.00 (ერთი ათასი ლარი ნული თეთრი)ლარს, საქართველოს კანონმდებლობით დადგენილი შესაბამისი გადასახადების გათვალისწინებით.

3. საქონლის ხარისხი და გარანტია

- 3.1. მიმწოდებელი იძლევა გარანტიას, რომ საქონლის ხარისხი უპასუხებს ხელშეკრულების პირობებს და დააკმაყოფილებს კონკრეტული საქონლისთვის გათვალისწინებულ მოთხოვნებს.

4. საქონლის მიწოდების ვადები და ადგილი

- 4.1. საქონლის შესყიდვა განხორციელდება ხელშეკრულების გაფორმებიდან არაუგვიანეს 2022 წლის 23 ივლისისა
- 4.2. მიწოდების ადგილი. ქ.თბილისი, დ.აღმაშენებლის გამზ. 99; სსიპ „ნოდარ დუმბაძის სახელობის მოზარდ მაყურებელთა პროფესიული სახელმწიფო თეატრი“

5. საქონლის მიღება-ჩაბარების წესი

- 5.1. ხელშეკრულებით ნაკისრი ვალდებულების შესრულება ჩაითვლება მხარეთა შორის მიღება-ჩაბარების აქტის გაფორმების საფუძველზე.
- 5.2. მიღება-ჩაბარების აქტის გაფორმების პარალელურად მიმწოდებელი ვალდებულია სრულად წარუდგინოს შემსყიდველს ხელშეკრულებით ნაკისრი ვალდებულების შესრულების საქონლი ინფორმაცია და დოკუმენტაცია მოქმედი კანონმდებლობის შესაბამისად.
- 5.3. იმ შემთხვევაში თუ შესყიდვის ობიექტი გამოდგება უხარისხო/დეფექტიანი ან სხვა ობიექტური წუნის მქონე, შემსყიდველი უფლებამოსილია მოითხოვოს ხარვეზების გამოსწორება ან/და საქონლის ახლით ჩანაცვლება შეტყობინების მიღებიდან არაუგვიანეს 3 (სამი) სამუშაო დღისა.
- 5.4. გამოვლენილი დეფექტის ან ნაკლის აღმოსაფხვრელად დაკავშირებული ხარჯების ანაზღაურება ეკისრება “მიმწოდებელს“

6. ანგარიშსწორების ფორმა, გრაფიკი (ვადები) და ადგილი

- 6.1. მიმწოდებელთან ანგარიშსწორება განხორციელდება ეროვნულ ვალუტაში;
- 6.2. საქონლის ღირებულების ანაზღაურება განხორციელდება უნაღდო ანგარიშსწორების წესით;
- 6.3. ანგარიშსწორება შემსყიდველის მიერ განხორციელდება მიმწოდებლის მიერ ხელშეკრულებით გათვალისწინებული ვალდებულების სრულად შესრულების შემდეგ, ხელშეკრულების მე-5 მუხლის 5.1.5.2 პუნქტში მითითებული დოკუმენტაციის წარმოდგენიდან არაუგვიანეს 10 (ათი) სამუშაო დღისა.
- 6.4. ანგარიშსწორების წყარო: 2022 წლის საკუთარი შემოსავლები

7. მხარეთა უფლება-მოვალეობანი

- 7.1. შემსყიდველს უფლება აქვს:

- მიღება-ჩაბარების აქტის გაფორმებამდე შეამოწმოს საქონლის ხარისხის შესაბამისობა ხელშეკრულებით გათვალისწინებულ პირობებთან.
- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- უარი თქვას უხარისხო შესყიდვის ობიექტის მიღებაზე.

7.2. შემსყიდველი ვალდებულია:

- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- უზრუნველყოს ხელშეკრულებით გათვალისწინებული საქონლის მიღება.

7.3. მიმწოდებელს უფლება აქვს:

- მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული პირობებით.

7.4. მიმწოდებელი ვალდებულია:

- გააფრთხილოს `შემსყიდველი` შესყიდვის ობიექტის შეფერხების შესახებ.
- დაიცვას ხელშეკრულებით გათვალისწინებული ყველა პირობა.

8. მხარეთა პასუხისმგებლობა ხელშეკრულების დარღვევისას

- 8.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას საქართველოში მოქმედი კანონმდებლობის შესაბამისად;
- 8.2. იმ შემთხვევაში თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებებს, მეორე მხარეს უფლება აქვს მოითხოვოს, ხოლო ასეთ შემთხვევაში დამრღვევი მხარე ვალდებულია გადაიხადოს ჯარიმა შეუსრულებელი ვალდებულების ღირებულების/გადასახდელი თანხის 0.02%-ის ოდენობით ყოველ ვადაგადაცილებულ დღეზე;
- 8.3. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 8.4. ხელშეკრულებიდან გასვლასთან დაკავშირებით შესაბამისად გამოიყენება საქართველოს სამოქალაქო კოდექსი.

9. ხელშეკრულების მოქმედების ვადა

- 9.1. ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2022 წლის 05 სექტემბრის ჩათვლით.

10. ხელშეკრულების პირობების გადასინჯვის შესაძლებლობა

- 10.1. წინამდებარე ხელშეკრულების პირობების მიმართ, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისთვის, გარდა საქართველოს კოდექსის 398-ე მუხლით გათვალისწინებული შემთხვევისა.
- 10.2. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების თავდაპირველი ჯამური ღირებულების გაზრდა დაუშვებელია 10%-მეტი ოდენობით.

11. ხელშეკრულებაში ცვლილებების შეტანა

- 11.1. ხელშეკრულების დამდებ არცერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების შეთანხმების სახით, რომელიც ჩაითვლება ხელშეკრულების განუყოფელ ნაწილად.

12. ფორს-მაჟორი

- 12.1. მხარეები არ არიან პასუხისმგებელი თავინთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ;
- 12.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე;

12.3. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

13. დავები და მათი გადაწყვეტის წესი

- 13.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე;
- 13.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობის შესაბამისად.

14. საქონლის შემოწმების პირობები

- 14.1. შემსყიდველი უფლებამოსილია საქონლის მიწოდებისას, სასაქონლო ზედნადების გაფორმებამდე განახორციელოს შემოწმება, რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და მოთხოვნებთან;
- 14.2. ხელშეკრულების ინსპექტირებას შემსყიდველო ორგანიზაციის მხრიდან განახორციელებს თეატრის სამხატვრო ხელმძღვანლის მოადგილე სადადგმო დარგშიგრიგოლ ბერაძე და თეატრის მომარაგებელი მამუკა მადარაშვილი.
- 14.3. შემოწმების შედეგად გამოვლენილი ნებისმიერი ნაკლის ან/და დეფექტის შესახებ შემსყიდველი დაუყოვნებლივ აცნობებს მიმწოდებელს წუნდების მიზეზების მითითებით;
- 14.4. სასაქონლო ზედნადების გაფორმებამდე გამოვლენილი დეფექტის ან/და ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

15. სხვა პირობები

- 15.1. არც ერთ მხარეს აქვს უფლება თავისი უფლებები და მოვალეობები გადასცეს მესამე პირს, მეორე მხარის წერილობითი თანხმობის გარეშე;
- 15.2. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 15.3. ხელშეკრულება შედგენილია ქართულ ენაზე, ელექტრონულად და დადასტურებულია კვალიფიციური ელექტრონული ხელმოწერით ან/და ელექტრონული შტამპით.

16. მხარეთა იურიდიული მისამართები და რეკვიზიტები:

შემსყიდველი:

სსიპ „ნოდარ დუმბაძის სახელობის მოზარდ მაყურებელთა პროფესიული სახელმწიფო თეატრი“
მის: ქ. თბილისი, დ. აღმაშენებლის გამზ. #99/1
ს/კ 202063989
მიმღების დასახელება: ხაზინის ერთიანი ანგარიში
ბანკის კოდი: TRESGE22
მიმღების ანგარიში/ სახაზინო კოდი_ 708199800

მიმწოდებელი:

ი/მ „ეკა შველიძე“
ს/კოდი: 01030033102
ქ.თბილისი წინამძღვრიშვილის #87
სს „საქართველოს ბანკი“
ა/ა GE49BG000000633126300
ბანკის კოდი: BAGAGE22

დირექტორი:

/თ.ლორთქიფანიძე/

/ე.შველიძე/

დანართი N1

№	საქონლის დასახელება	კლ.კოდი	ზომის ერთეული	რაოდენობა	ერთ. ფასი	საქონლის ფასი
1	პარალონი	39520000	ცალი	8.00	40.00	320.00
2	პარალონი		ცალი	4.00	25.00	100.00
3	საღებავი პულივიზატორზე	44810000	ცალი	20.00	5.00	100.00
4	წებო ბიზონი	24910000	ცალი	10.00	30.00	300.00
5	წებო პვა		ცალი	1.00	180.00	180.00
საერთო ღირებულება: ერთი ათასი ლარი ნული თეთრი						1000.00

შემსყიდველი:

სსიპ „ნოდარ დუმბაძის სახელობის მოზარდ მაყურებელთა პროფესიული სახელმწიფო თეატრი“
მის: ქ. თბილისი, დ. აღმაშენებლის გამზ. #99/1
ს/კ 202063989

მიმწოდებელი:

ი/მ „ეკა შველიძე“
ქ.თბილისი წინამძღვრიშვილის #87
ს/კოდი: 01030033102

დირექტორი:

/თ.ლორთქიფანიძე/

/ე.შველიძე/

ინტერესთა კონფლიქტის არარსებობის შესახებ

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, „სსიპ ნოდარ დუმბაძის სახელობის მოზარდ მაყურებელთა პროფესიული სახელმწიფო თეატრი“-ის დირექტორი თამარ ლორთქიფანიძე ვადასტურებს, რომ 2022 წლის 20 ივლისს გაფორმებული N142 ხელშეკრულებით გათვალისწინებული საქონლის შესყიდვის განხორციელებაში ი/მ „ეკა შველიძე“-ს (საიდენტიფიკაციო კოდი: 01030033102) მონაწილეობა არ იწვევს ინტერესთა კონფლიქტს.

დირექტორი: /თ.ლორთქიფანიძე/